



東家雜記
 先聖沒逮今一千五百餘年傳世五十或問其
 姓則內求而不得或審其家則舌舉而不下為
 之後者得無愧乎傳竊嘗推原譜牒參考載籍
 則知鄭有孔張出於子孔衛有孔達出於姬姓
 蓋本非子氏之後而徙居於魯者皆非吾族若
 乃歷代褒崇之典累朝班賚之恩寵數便蕃固
 可以枚陳而列數以至驗祖壁之遺書訪闕里
 之陳跡荒墟廢址淪沒於春蕪秋草之中者魯
 尚多有之故老世傳之將使聞見之所未嘗者

史記

宋本杏壇作
三成弟子內
一人有鬚



如接於耳目之近於是纂其軼事綴所舊聞題
曰東家雜記好古君子得以覽觀焉時戶宋紹
興甲寅三月辛亥四十七代孫右朝議大夫知
撫州軍州事兼管內勸農使仙源縣開國男食
邑三伯戶借紫金魚袋孔傳謹序

杏壇說

五行無

昔周靈王之世魯哀公時夫子車從出國東門因觀杏壇逡巡而至歷級而上弟子侍列顧謂之曰茲魯將臧文仲誓盟之壇也觀物思人命琴而歌

歌曰

暑往寒來春復秋 夕陽西去水東流
將軍戰馬今何在 野草閑花滿地愁

一作寒暑往來春復秋
見錢遵王讀書敏求記
宋本作暑往寒來春復秋

宋本代字下作德璋述

北山移文

二十九代 璋述

鍾山之英草堂之靈馳煙驛路勒移山庭夫以耿介拔俗之標蕭灑出塵之想度白雪以方絜于青雲而直上吾方知之矣若其亭亭物表皎皎霞外芥千金而不眴徒萬乘其如脫聞鳳吹於洛浦值薪歌於延瀨固亦有焉豈有終始參差蒼黃翻覆淚翟子之悲慟朱公之哭乍迴跡以心染或先貞而後躓何其謬哉嗚呼尚生不存仲氏既往山阿寂寥千載誰賞世有周子雋俗之士既文既博亦玄亦史然而學遁東魯習隱南郭竊吹草堂濫巾

貞 鳴

當作數侯考
宋本作歌字

北岳誘我松桂欺我雲壑雖假容於江臯乃纓情
於好爵其始至也將欲排巢父拉許由傲百氏惡
王侯風情張日霜氣橫秋或歌幽人長往或怨王
孫不游談空空於釋部覈玄玄於道流務光何足
比洧子不能儔及其鳴騶入谷鶴書赴隴形馳魄
散志變神動爾乃肩軒席次袂聳筵上焚芟製而
裂荷衣抗塵容而走俗狀風雲悽其帶憤石泉咽
而下愴望林巒而有失顧草木而如喪至其紐金
章縮墨綬跨屬城之雄冠百里之首張英風於海
甸馳妙譽於浙右道帙長殞法筵久埋鼓扑諠囂

犯其慮牒訴倥^總惚裝其懷琴歌既斷酒賦無續常
綢繆於結課每紛綸於折獄籠張趙於往圖架卓
魯於前錄希蹤三輔豪馳聲九州牧使我高霞孤
映明月獨舉青松落蔭白雲誰侶澗戶摧絕無與
歸石逕荒涼徒延佇至於還颺入幕寫霧出楹蕙
帳空兮夜鶴怨山人去兮曉猿驚昔聞投簪逸海
岸今見解蘭縛塵纓於是南嶽獻嘲北隴騰笑列
壑爭譏攢峯竦誚慨游子之我欺悲無人以赴弔
故其林慙無盡澗愧不歇秋桂遣風春蘿罷月騁
西山之逸議馳東臯之素謁今又促裝下邑浪拽

斂不斂宋本亦誤

上京雖情投於魏闕或假步於山高豈可使芳杜厚顏薛荔無恥碧嶺再辱丹崖重滓塵游躅於蕙路汙淥池以洗耳宜扁岫幌掩雲閑斂輕霧藏鳴湍截來猿於谷口杜妄變於郊端於是叢條瞑瞻疊穎怒魄或飛柯以折輪乍低枝而掃跡請迴俗士駕為君謝逋客

擊蛇笏銘

天地至大有邪氣干於其間為皆恭為殘賊聽其肆行如天地郊育之而莫禦也人生最靈或異類出於其表為妖恠信其異端如人蔽覆之而莫露

宋本銘字下空三字有徂徠先生守道述七字

也祥符年寧州天慶觀有蛇妖極恠異郡刺史曰兩至於其庭朝焉人以為龍舉州人內外遠近罔不駭奔於門以觀恭莊肅祇無敢怠者今龍圖侍御孔公時佐幕在是邦亦隨郡刺史於其庭公曰明則有禮樂幽則有鬼神是蛇不以誣乎惑吾民亂吾俗殺無赦以手板擊其首遂斃於前則蛇無異焉郡刺史暨州內外遠近無民昭然若發蒙見青天觀白日故不能肆其凶殘而成其妖惑易曰是故知鬼神之情狀公之謂乎夫天地間有純剛至正之氣或鍾於物或鍾於人人有死物有盡此氣

不滅烈烈然彌亘億萬母而長在在堯時為指佞
草在魯為孔子誅少正卯在齊在晉為董史筆
在漢武帝為東方朔戟在成帝朝為朱雲劍在東
漢為張綱輪在唐為韓愈論佛骨表逐鱷魚文為
段太尉擊朱泚笏今為擊蛇笏故佞人去堯德聰
少正卯戮孔法舉罪趙盾晉人懼辟崔子齊刑明
距董偃折張禹劾梁冀漢室又佛老微聖德行鱷
魚徙潮風振恠蛇死妖氣散噫天地鍾純剛至正
之氣在公之笏豈徒斃一蛇而已軒陛之下有罔
上欺君先意順旨者公以此笏指之廟堂之上有

蔽賢蒙惡違法亂紀者公以此笏麾之朝廷之內
有諛容佞色附邪背正者公以此笏擊之夫如是
則軒陛之下不仁者去廟堂之上無姦臣朝廷之
內無佞人則笏之功也豈止在一蛇公以笏為任
笏得公而用公方為朝廷正人笏方為公之良器
敢稱德于公作笏銘曰

至正之氣

天地則有

笏惟靈物

笏能乃受

笏之為物

純剛正直

公惟正人

公乃能得

笏之在公

能破淫妖

公之在朝

讒人乃消

靈氣未竭

斯笏不折

正道未亡

斯笏不藏

惟公寶之

烈烈其光

元祐黨籍

四十七代三孔氏

司馬光呂公著呂大防劉摯蘇子由范純仁韓忠
 彥曾布梁燾王存文彥博王岳叟鄭雍傅堯俞趙
 瞻韓持國孫固孫伯甫范伯祿胡宗愈李清臣劉
 奉世范純禮安燾陸佃黃履張商英蔣之奇以上
任宰相
 執政官蘇軾劉安世范祖禹朱光庭趙君錫馬默
 孔武仲孔文仲吳安持錢勰李之純孫覺鮮于侁
 趙彥若趙高王欽臣孫升李周王汾韓川顧臨賈

易呂希純曾肇王覲范純粹呂陶王古豐稷張舜
 民張問楊畏鄒浩陳次升謝文瓘岑象求周鼎徐
 勣路昌衡董敦逸上官均葉濤郭知章楊康國龔
 原朱絃葉祖洽朱師服以上曾任待
制已上官秦觀黃庭堅
 晁補之張耒吳安詩歐陽棐劉唐老王鞏呂希哲
 杜純張保源孔平仲楊戩司馬康宋保國黃隱畢
 仲游常安民注衍余爽鄭俠常立程頤唐義問余
 卞李格非陳瓘任伯兩張庭堅馬洵孫諤陳郭朱
 光裔蘇嘉夔夫王回呂希績吳儔歐陽中立尹材
 葉伸李茂直吳處厚李積中商倚陳祐虞防李祉

李深李之儀范正平曹蓋楊琳蘇丙日葛茂宗劉
清柴袞洪羽趙天佐李新衡鈞袞公適馮百藥周
誼孫琮范柔中鄧考甫王察趙岫封覺民胡端修
李賁李深趙令時郭執中石芳余極高公應安信
之張集黃策吳多遜周永徽高漸張夙鮮于綽呂
諒卿王貫朱紘吳朋梁安國王古蘇迥檀固何大
受王革張謏傳耆董丕竹璟蘇堯臣趙齊賢高復
陳琳何宗韓李援徐瑛張譽倪直儒王箴吳光美
李公寅周邠李志恣蕭景脩徐俯李孝常范百億
何權宇文輝俞次契章諷陸渙張保淳程之才余

衡

卞呂黃劉勃陳京費勉中董又辛春卿舒升之閻
建張及劉跋龔俊明黃應求劉仲玠司馬宏唐嘉
問馮正卿吳元中吳文規杜穎卞議尹翊葛敏脩
陳并趙晞文嘉謀鄭少微王知常郝宗臣鄭語施
邁陳師錫何景甫趙衡毛求張直楊懷寶楊木梁
鼎高公傑趙子煥王箴白鎮蘇象先趙任朱行中
王注滕友侯晉卿周諤毛直友范世文李世基苗
綦趙渥上官均張沔王公彥賈休復宋直方喬甫
江偉何爽俞唐張彥逸馮希道蔣琳胡脩馮正雅
張元林定勾居體張朴

以上並
係餘官

字本作并官氏

東家雜記上



右朝議大夫知撫州軍州事兼管內勸農使仙源
縣開國男食邑三百戶借紫金魚袋孔傳編



姓譜

先聖誕辰諱日

母顏氏

娶并官氏

追封諡号

歷代崇奉

嗣襲封爵公改

改衍聖公告

鄉官

姓譜

昔契以佐禹治水有功封於商而賜姓子氏至

周成王時以商之帝乙長子微子啓國於宋啓
卒立其弟微仲衍微仲衍生宋公稽宋公稽生
丁公申丁公申生湑公共及襄公熙熙生弗父
何弗父何生宋父周宋父周生世子勝世子勝
生正考父正考父生孔嘉父孔嘉父者其字也
而先儒以謂當時所賜號者誤矣孔嘉父生木
金父木金父生初父五世親盡別為公族初父
因以王父字為孔氏而其子孔防叔避宋華督
之難奔魯為大夫因家於魯孔防叔生伯夏伯
夏生叔梁紇長子曰孟皮有疾不任繼嗣次子則

先聖是也自孔子沒子孫世為魯人同居祖廟
先公文清先生昔嘗推原世譜以謂本姓出於
子姓者是姬姓者非如鄭有孔張出於子孔衛
有孔達魏有孔悝出於姬姓實在子姓之先皆
非孔子之後

先聖誕辰諱日

周靈王二十一年己酉歲即魯襄公二十二年
也當襄公二十二年冬十月庚子日先聖生
是夕有二龍繞室五老降庭五老者五星
之精也又顏氏之房聞奏鈞天之樂空中

有聲云天感生聖子故降 和樂笙鏞之音
周敬王四十一年辛酉歲即魯哀公十六年也
當哀公十六年夏四月乙丑日 先聖薨
先儒以謂己丑者誤矣方 先聖未生時
有麟吐玉書於闕里其文曰水精之子係
衰周而素王顏氏異之以繡紱繫麟角信
宿而麟去至哀公十四年西狩大野叔孫
氏車子鋤商獲獸以為不祥 先聖視之
曰麟也胡為來哉胡為來哉反袂拭面泣
涕沾衿叔孫聞之然後取之而繫角之紱

尚存麟見而天告夫子將亡之證也夫子
晨蚤作負手曳杖逍遙于門而歌曰泰山
頽乎梁木壞乎哲人萎乎因以涕下既歌
而入當戶而坐子貢聞之曰泰山其頽則
吾將安仰梁木其壞則吾將安放夫子殆
將病也遂趨而入夫子嘆曰賜汝何來遲
夫明王之不興則天下其孰能宗予夏人
殯于東階周人於西階商人於兩楹間昨
暮予夢坐奠於兩楹之間予殆商人也後
七日而終時年七十三

母顏氏

叔梁紇雖有九女而無子娶妻生孟皮一字伯尼有足疾於是乃求於顏氏顏氏有三女其小曰微在顏父問三女取大夫雖父祖為士然其先聖王之裔今其人身長十尺武力絕倫吾甚貪之雖年高性嚴不足為疑三子孰能為之妻二子莫對微在進曰從父所制將何問焉父曰即爾能矣遂以妻之

娶亓官氏

孔子十九娶于宋之亓官氏

錢少詹大所有言以韞韓勅碑考之字本足并而今作开即聖裔有不知其誤者韞字註言

一作并官氏見黃堯圖百宋一厘賦注中所引宋本

孔子追封謚号

漢平帝元始元年追謚 夫子為褒成宣尼公
魏文帝太和十六年改謚 文宣尼父
後周宣帝大象二年追封鄒國公詔曰盛德之

後是稱不絕功施於民義昭祀典孔子德惟藏往道實生知以大聖之才屬千古之運載弘儒業式叙彝倫至如幽贊天人之理裁成禮樂之務故以作範百王垂風萬葉朕欽承寶曆服膺教義春言洙泗懷道滋深而褒成啓號雖彰故實旌崇聖績

猶有闕如可追封為郟國公

唐太宗正觀十一年詔尊孔子為宣父

唐高宗乾封元年封禪還塗經曲阜親幸祠廟

追贈先聖為大師制曰魯大司寇資

大聖之才屬衰周之末想乘桴而永嘆因

獲麟而興感垂素王之雅則正史策之繁

文播鴻業於當時昭景化於千祀朕嗣膺

寶歷祇奉睿圖憲章前王規矩先聖功

成化洽禮盛樂和展采東巡迴輿西土途

經此境撫事興懷駐此荒墟願為師友瞻

望幽墓思承格言雖燕寢荒蕪餘址近在
靈廟虛寂徽烈猶存孟軻曰自生民以來
未有如孔子者也微禹之嘆既深褒成之
禮宜峻可贈太師庶年代雖遠式範令圖
景命惟新儀形茂實

唐則天天授元年十月封隆道公

唐明皇開元二十七年八月二十三日封文宣王

制曰弘我王化在乎儒術能發揮此道啓
迪含靈則生民以來未有若孔子者也故
能立天地之大本成天地之大經美政化

移風俗君君臣臣父父子子民到于今受其賜不其偉歟於戲楚王莫封魯公不用俾夫大聖才列陪臣栖遲旅人固可知矣年祀寢遠光靈益彰雖代有褒稱未為崇峻不副於實人其謂何夫子既稱先聖可追謚為文宣王

本朝

真宗皇帝大中祥符元年加

夫子號為玄聖文宣王

春秋孔演圖曰孔子母感黑帝而生莊子亦云元聖

素王故有是號

勅中書門下王者順考古道懋建

大猷崇四術以化民昭宣教本摠百王而致治丕變人文方啓迪於素風思丕揚於鴻烈

先聖文宣王道膺上聖體自生知以天縱之多能實人倫之先覺立功侔乎簡易景鏢配乎貞明惟列辟以尊崇為億載之師表肆朕寡昧欽承命歷曷嘗不遵守彝訓保乂中區屬以祗若元符告成喬嶽觀風廣魯之地始駕數仞之墻躬謁遠祠緬懷遐躅仰明靈之如在肅奠獻以惟寅是用證

簡冊之文昭聰叡之德聿舉追榮之禮庶
申嚴本之心備物典章垂之不朽誕告多
士昭示朕意宜追謚曰元聖文宣王先是
詔有司檢討漢武帝唐高宗明皇褒宣聖
故事且命輔臣議定初欲追謚為帝或言
宣父周之陪臣周止稱王不當加以帝號
故第增美名續奉
勅改謚至聖文宣王

歷代崇奉

魯哀公十七年立廟於舊宅守陵廟百戶

漢高祖滅項羽平天下十二年十二月行自淮

南還過魯以太牢祀

先聖封九代孫滕滕為奉嗣君

前漢元帝初元中下詔太師褒成君霸以所食
邑八伯戶祀孔子

後漢光武建武五年破董憲車駕還幸魯使大
司空祀孔子

後漢明帝永平十五年東巡狩還過魯幸闕里
以太牢祀先聖及七十二弟子作六代
樂親御講堂命皇太子諸王說經帝時

升廟立群臣中庭北面皆再拜 帝進爵
而後坐大會孔氏男子二十以上者六十
有三人命儒臣講書十九代孫蘭臺今僖
因自陳謝帝曰今日之會寧於卿宗有光
乎僖對回臣聞明王聖主莫不尊師貴道
今陛下親屈萬乘辱臨弊里此乃崇禮先
師增輝聖德至於光榮非所敢承帝大悅
曰非聖者子孫焉有斯言遂拜僖郎中賜
褒成侯并賜孔氏男女錢帛詔僖從還京
師令校讎東觀

後漢章帝元和二年東巡狩進幸魯祀孔子於
闕里及七十二弟子賜褒成侯及諸孔男女帛
後漢孝安延光五年幸泰山祀孔子及七十二弟
子於闕里孔氏親屬及婦女悉會賜褒成
侯帛各有差

後漢靈帝建寧中給守廟百戶

晉武帝泰始三年詔魯國四時備三牲以祀孔
子太寧三年詔給奉聖亭侯孔亭四時祀
孔子祭宜如泰始故事

魏文帝黃初二年詔曰昔仲尼資大聖之才懷

帝王之器當衰世之末無受命之運乃退
考五代之禮修素五之事因魯史而制春
秋就太師而正雅頌俾千載之後莫不崇
其文以述作仰其聖以成謀茲可謂命世
之大聖億載之師表者也今舊居之廟毀
而不修衰成之後絕而莫繼闕里不聞講
頌之聲四時不觀蒸嘗之位豈所謂崇禮
報功盛德百世必祀者哉乃以二十一代議
郎羨為崇聖侯邑伯戶奉先聖祀令魯
郡修起舊廟置吏卒百戶以守衛之

後魏顯祖皇興二年以青徐既平遣中書令兼

太常高允以太牢祀孔子太和十九年四
月行幸魯城辛酉詔拜孔氏四人顏氏二
人為官又詔選諸孔宗子一人封崇聖侯
邑一百戶以奉孔子之祀又詔兗州為孔
子起園修飾墳壠更建碑銘褒揚聖德

後魏高祖延興二年詔曰尼父稟達性之姿體

生知之量窮理盡性道光四海頃者淮徐
未賓廟隔非所致今祀典寢廢禮章殄亡
遂使女巫妖覲非禮殺生鼓舞倡優

媒狎豈所以尊明德欽聖道者自今已後
有祭孔子廟用酒脯而已不聽婦女合
雜以祈非望之福犯者以違制論其公家
有事如常禮犧牲粢盛務盡豐潔臨事
致敬如今肅如也

宋文帝義熙十九年詔曰胃子始集學業交興
自微言泯絕逝將千祀感事思人意有慨
然奉聖之後可速議繼襲於先朝他也仍速
為營造依舊給祠且令四時饗祀闕里往
經冠亂黉校殘毀并下魯郡修復學舍採

召生徒徒昔之聖哲及一介之善猶或衛其
墳壠禁其芻牧况尼父德表生民功被百
代而墳塋荒蕪荆棘弗剪可蠲墓側數戶
以掌洒掃魯郡上民孔景等五戶居近孔
子墓側蠲其課役供給洒掃并種松栢六
百株

南齊世祖永明七年詔曰宣尼誕敷文德峻極
自天發揮七代陶鈞萬品英風獨舉素王
誰匹功隱於當年道深於日月感麟厭世
緬邈干祀川竭谷虛阜夷淵塞非但洙泗

湮淪至乃饗嘗之主前王欽仰崇修寢廟
歲月亟流鞠爲茂草今學毀興立實崇洪
規撫事懷人彌增欽屬可改築宗祊務在
爽壇量給祭秩禮同諸侯奉聖之爵以時

紹繼

北齊顯祖武定八年下魯郡以時修治廟宇務
盡褒崇洪厥雅道大訓生民師範百王軌
儀千載世人斯仰忠孝攸出玄功潛被至
德彌闡雖反袂遐曠而祧薦靡闕時祭舊
品秩比諸侯頃歲以來祀典零替俎豆寂

寥牲奠莫舉豈所以克昭盛烈永隆風教
者哉可式循舊典詳復祭秩使牢餼備禮
饗兼申

梁敬帝太平二年詔曰夫子降靈體哲經仁緯
義允光素王載闡玄功仰之者彌高誨之
者不倦立忠立孝德被蒸民制禮作樂道
冠群后雖泰山頽峻一簣不遺而泗水餘
瀾千載猶在自國圖屯阻祧薦不修奉聖
之門亂嗣殲滅敬神之寢簞簋寂寥永言
聲烈寔兼欽愴外可搜舉魯國之族以爲

奉聖後并繕廟堂修祀典四時薦秩皆
遵舊

後周宣帝大象二年立後承襲

隋煬帝大業四年詔曰先師尼父聖德在躬誕

發天縱之姿憲章文武之道命世膺期蘊

素王而頹山之歎茲踰於千祀盛德之

美不存於百代永惟懿範宜有優崇可立

孔子後為紹聖侯有司求其苗裔錄以申上

唐神堯高祖武德二年立孔子廟于國子監

唐太宗正觀十一年給先聖廟戶二十以奉饗

唐高宗乾封元年封禪還京途經曲阜親幸祠

廟追贈先師為太師其廟宇制度卑陋且

加修造仍令三品一人以太牢致祭其子

孫並免賦稅其年十二月上遣司稼正

卿扶餘隆以太牢之奠致祭于先聖其

祭文曰惟神玉鈞陳貺靈開四肘之源金

鼎流禎慶傳三命之範神資越誕授山岳

以騰英天縱攸高蘊河海而標狀折衷六

藝宣創九流眷乃生知殊非外獎於是考

三古褒一言刊典謨定風什莊敬之容畢

備鍾鼓之音載和父子爰親君臣以睦蕩
乎煥乎樂正雅頌各得其所可不謂至聖
矣朕以寡德嗣膺神器式崇祇配展義云
亭感周禮之尚存悲素王之獨往杼軸洙
泗如揖清瀾留連舞雩似聞金奏昌門曳
練徒有生芻之儀漢曲移舟非復祥萍之
實慨然不已爰贈太師堂宇卑陋仍命修
造褒聖子孫闔門勿事庶能不遺百世助
損益之可知永鑒千年同比肩而爲友聿
陳菲奠用旌無朽

唐則天神龍元年以鄒魯百戶爲隆道公來邑
以奉歲祀子孫世襲聖侯

唐中宗神龍元年以三十四世孫崇基取鄒魯
之邑百戶收其租稅用爲享薦

唐睿宗太極元年以兗州隆道公近祠戶三十
供洒掃

唐明皇開元十三年封禪迴幸孔子宅遣使以
太牢祭其墓給復近墓五戶令天下州縣
立廟賜百戶洒掃充春秋饗奠因廣大本
廟仍每代長子一人承襲兼賜一子官

開元二十七年封文宣王遣三公持節冊
命令譔儀注昔緣周公面南夫子西坐今位
既有殊坐豈仍舊補其墜典永作常式自
今以後夫子面南而坐內出王者衮冕以
衣之

唐憲宗元和十三年復置洒掃五十戶十五年文
宣主家予一子官

唐武宗會昌五年有事于南郊文宣王後予一
子出身

唐宣宗大中元年有事于南郊文宣王後予一

子官復封百戶充春秋享奠

唐懿宗咸通四年以四十四代振寶封百戶洒掃
陵廟五十戶

唐僖宗乾符二年有事于南郊文宣王後予一
子官

唐禮樂志三曰陳設注其褒聖侯若在朝朝於
文官三品下

後周高祖廣順二年親征慕容彥超至兗州於
將破夜半夢一人狀甚魁異被王者服謂
高祖曰陛下明日當得城及覺天猶未旦

高祖私自喜曰夢兆如此可不務乎因躬督將士戮力攻城至午而城果陷車駕既入有司請從王方鳴鞘而進因取別巷轉數曲偶過夫子廟帝意豁然謂近侍曰寡人所夢殆夫子乎不然何取路於此因駐蹕升堂瞻禮聖像一如夢中所見者高祖大喜因叩頭再拜近臣或謂天子不當拜異世陪臣高祖曰夫子聖人也百王取則而又以夢告寡人得非夫子幽贊所及耶安得不拜因幸闕里復再拜乃留所奠酒

器銀爐等蘇於廟及幸孔林又拜之墓前石壇乃唐封禪之壇也二百年間絕東封之禮沫沫泗之上無鸞和之音高祖以武功之餘特枉駕焉顧謂近臣訪孔子之後或對以四十三世孫前曲阜令龔封文宣公仁玉者乃召見奏對數刻面賜章服及白金雜綵等仍以廟側數十家爲洒掃戶及勅兗州修葺祠廟林禁樵採

本朝

太祖皇帝建隆間賜 御製贊曰

三澤下

文武將廢

尼父挺生

河海標異

祖述堯舜

有德無位

哲人其萎

鳳鳥不至

建隆三年詔

文宣王廟定

儀制令

立戟十六枝

太宗皇帝因四十四代孫宜入覲顧問孔氏歷世之數具以實對上謂左右家世有如此者特遷贊善大夫襲封文宣公略其誥云朕以夫子之聖其道猶天曠彼裔孫宜其嗣襲况聞爾服勤素業砥礪官常乃諭善於東宮俾增榮於闕里勉遵家法以荷國恩

興國三年詔免本家稅祖先是歷代以聖人之

後不預庸調顯德中遣使均田遂抑編戶至是特免

真宗皇帝至道三年九月詔四十五代孫許州

長葛縣令延世上殿詢以家門故事授曲

阜令襲封文宣公許於廳上見長吏以公

爵也面賜束帛中金器物及賜太宗御

書并九經書等先是殿中丞方演言兗州

西曲阜縣文宣王廟有書樓而無典籍請

賜九經及先帝御書重給祭器並從之

景德四年賜文宣王四十六世孫聖祐同學究
出身又詔兗州舊以七戶守孔子墳宜增
至二十戶

大中祥符元年五月勅每日破乳香一分焚燒
八月准 勅今年十一月有事于泰山其
文宣王四十六代孫聖祐許於京官後陪
位十月准 勅告報

皇帝封禪畢駕至兗州曲阜縣謁
先聖廟其文宣公伯叔兄弟子姪並許陪位
勅朕以紀号號岱宗觀風廣魯載懷先聖實

主斯文矧尼丘毓粹之區光靈可揖而曲
阜奉嗣之地廟貌猶存將伸款謁之儀用
表欽崇之禮取十月一日幸曲阜縣備禮
躬謁祥符元年十月
二十七日下

十一月一日 幸曲阜縣謁先聖廟廟內外

設黃麾仗上服靴袍行酌獻之禮宰
臣親王而下文武百官各立班於殿庭
孔氏宗屬並陪位初有司定儀當肅揖
上特再拜以伸崇奉之意百官皆拜
帝斂衽北面式瞻睟容乃顧廟宇制度

嘉歎久之立殿之西事召孔氏子孫撫諭
周綴又幸叔梁大夫堂賜四十四代孫延
祐延渥延魯延 並同學究出身四十六
代孫聖祐授太常寺奉禮郎以別居四十
四代孫謂賜同三傳出身面奉 聖旨
許造酒以供祭祀詔加謚至聖文宣王祝
文特進名并修飾祠廟其廟內制度未完
典禮因茲改正更給近便十戶以奉塋廟
仍差官以太牢致祭宣賜孔氏銀二百兩
帛三百疋錢三十萬俵賜諸房又 賜田

百頃又 詔廟內常用祭器或壞可畫易之

十一月三日 勅至聖文宣王父叔梁紇更追
封齊國公母顏氏進封魯國太夫人 又
勅伯魚母進封鄆國夫人 又勅賜

御製贊

御書并篆額若夫檢玉 丘迴輿闕里緬
懷于先聖躬謁于嚴祠易俗化民既仰師
於彛訓宗儒重道宜益峻于徽章增薦崇
名聿陳明祀思形容於盛德爰刻鏤於斯
文讚曰

立言不朽 垂教無疆 昭然令德
偉哉素王 人倫之表 帝道之綱
厥功茂實 其用允臧 升中既畢
盛典載揚 洪名有赫 懿範彌彰

大中祥符元年十一月一日奉

勅御書院模勒刻石

加謚玄聖文宣王祭文

維大宋大中祥符元年歲次戊申十一月戊午朔

四日辛酉崇文廣武聖明仁孝皇帝御謹

遣推誠保德功臣光祿大夫行吏部尚書

上柱國清河郡開國公食邑一千戶食實
封八百戶張齊賢致祭于 玄聖文宣王
朕以有事岱宗畢告成之盛禮緬懷闕里
欽設教之素風躬謁奠于嚴祠特褒崇于
懿號仍令舊相載達精誠昭薦吉蠲用遵
典禮以充國公顏子等配尚饗

追封齊國公勅

勅朕祗陟岱宗親巡魯甸永懷 先聖之
德躬造闕里之庭奠獻周旋欽崇備至惟
降靈之所自亦 羨之有初像設具存名

稱斯闕宜加追命以煥典章叔梁紇可追封齊國公顏氏可追封魯國太夫人祥符元年十一月十一日下

追封鄆國夫人勅

勅朕因巡魯甸躬謁孔堂顧風教之所宗舉典章而就渥眷惟令淑作合聖靈載稽策簡之文尚闕宗崇之數屬茲咸秩特示追榮垂厥方來式昭遺懿并官氏可追封鄆國夫人仍令兗州差官往本廟祭告祥符元年十一月十一日下

大中祥符二年遣入內侍省殿頭張文質賫

勅賜太宗皇帝御製書一百五十七

卷軸并內金渡器物等并九經三史及

疏釋文及赴文宣王廟供養器物金

渡銀香合并香羅銷金帕等其

所賜書仍令本州選儒生講說

賜書并賜塗金器用等物

勅國家尊崇師道啓迪眷惟鄒魯之

邦是曰詩書之國尼山在望宇嚴朕

以登岱告成迴鑿款謁期清風之益振舉

續禮以有加式咨誨誘之方更盡闡揚之
旨宜以所賜 太宗皇帝 御製御書與
九經書并正義釋文及器用等並置於廟
中書樓上收掌委本州長吏職官與本縣
令佐等同共檢校在廟如有講說釋奠並
須以時出納勿令損污此

勅文仍仰刊之于石昭示無窮

大中祥符二年春賜先聖冕服等易以玉珪
先是以木爲之故也

祥符二年二月四十五代孫殿中丞知曲阜縣

名犯請先聖廟創立學舍從之仍許就齋
廟講說

大中祥符二年五月追封孔子并弟子充國
公顏子等下詔曰朕乃者封巒禪社昭列
聖之鴻勳崇德報功廣百王之彝制洎言
旋於闕里遂躬謁於魯堂瞻河海之姿睟
容穆若出洙泗之上高風凜然舉茂典之
有加期斯文之益振由是推恩世胄併錫
其寵章祇事祠庭廣增其奉邑念性與天
道德冠生民議茲玄聖之名莫廣嚴師之

禮兼朕親製以表崇儒至于四科鉅賢並
超五等七十達者俱增列侯仍命案察分
紀遺烈式盡褒揚之旨庶資善誘之方宜
令中書樞密院三司兩制丞郎待制館閣
直館校理分撰贊以聞又詔曲阜縣謁
文宣王廟日從官並於廟內立石刻名

天禧二年五月

勅委本州於本城內選差_差兵士四十人負
察一名於本廟巡宿守把防護官物一年
一替并委轉運司於轄下州軍有衣甲器

械處約度合銷_銷分數支與本廟

天禧五年奉

聖旨下轉運司支破官錢差撥兵士工匠修
葺本廟及於夫子之後選差朝官一人是時
傳大父中憲方任太常博士被選監修因
乞封禪闕餘材皆樟榿梓之屬自是
殿宇益加宏壯

仁宗皇帝慶曆四年三月

勅於本縣中等人戶內差廟戶五十人充
本廟洒掃諸般祇應

嘉祐六年

御飛白書殿榜并金字篆牌差入內內侍
省西頭供奉官劉溫良高品楊安道押賜
盛以綵樓差輦官三十人并親事官工匠
等共五十一人置於本廟逐州令官吏以
鼓吹僧道奉引

上初寫牌中櫛而書其尊師重道如此是
時傳先公文清先生宰鄉邑因進詩百韻
稱謝轉運使秘閣校理張師中亦進寶奎
耀文歌

御祭文

維嘉祐六年歲次辛丑三月甲申朔十九
日壬寅 皇帝御謹遣通判兗州田洵敢
昭薦于

至聖文宣王惟王淵聖難名誠明易宗敷
厥雅道大闡斯文生民以來至德莫二教
行萬世儀比一王闕里之居祠宇惟煥遐
瞻墻仞逖仰門扉奮于飛染之蹤新茲標
榜之制命工庀事推策消辰敢議形容蓋
伸崇奉仰惟降格遙冀瞻觀尚饗

神宗皇帝元豐元年十月詔兗州常以省錢修葺宣聖祠廟先是州縣憚于申請廟久不修且壞椽棟傾落人不堪憂至是始獲完葺祠廟一新以省錢修遂為定制

五年十一月賜度牒三十本給兗州修孔子廟及於本路差雜役兵士工匠等運司奏委四十七代孫沂州新太縣令若升監修七年五月詔自今春秋釋奠以鄒國公孟子配食文宣王設位於兗國公之次荀况揚雄韓愈以世次從祀於二十一賢之間並封伯爵

哲宗皇帝元祐元年因四十六代孫朝議大夫試鴻臚卿宗翰奏請及臣僚上言儒廟闕典奉

聖旨令禮部太常寺同共詳定典禮下項一合襲封衍聖公者與除一有料錢寄祿官

如已係幕職州縣官即與改合入官專以主奉

先聖祠事為職添支給隨本資序每三年理一任用本路及本州按察官薦舉依吏部格關陞資任如朝廷非次擢用許依舊帶公

爵令以次合襲封人權主祠事

一添賜田一百頃使其家依鄉原例自
召人戶耕種更不得用職田制操
之法

一依舊法差洒掃戶五十人看林戶五
人並依役人法別差剩負每一番
十人充衍聖公白直

一賜田所入供給祭祀外修立則例均
贍族人置籍出納委本縣官一負
與衍聖公并本家尊長通簽

一賜監書一本置教授官一負於舉到學
官人內差或委本路監司保舉有行
義人充令教諭本家子弟內舉人依
本州學正例優與供給如鄰近鄉人
願從學者聽

一衍聖公每遇親祀大禮及冬正朝會
許赴闕陪位

一改衍聖公為奉聖公及乞刪定家祭冕
服等制度頒賜俾遵奉施行

紹聖三年奉

聖旨下轉運司於係省錢內支錢三千貫
修完本廟及於本路差雜役兵士工匠等
運司奏委四十七代孫宣德郎龔封奉聖
公若蒙監修

元符元年奉

聖旨下本家衆議選擇近里守分人承龔
據四十六代孫宗壽等保明四十七代孫
前湖州歸安縣主簿若虛堪充龔封仍乞
後來若虛身歿之後亦別行選擇不必子
繼所貴留意祖廟敦睦族人奉

聖旨依奏改合入官龔封奉聖公專主奉
祠事先是以龔封若蒙監修祖廟奪爵故
有是命自選擇之法行族人皆務修蘊間
有登科預薦者鄉人以為 朝廷激勸之
效云

太上皇帝崇寧元年追封孔氏二代三代

右追封二代

勅孔鯉孔氏之道萬世所宗鯉實嗣之親
聞詩禮魯堂從享厥有舊祠 以爵封以
示褒顯可特封泗水侯

右追封三代

勅孔伋聖人之道孟氏之師作為中庸萬世宗仰春惟魯郡實有舊祠追加爵封以示褒典可特封沂水侯

二代三代初無祠堂元豐五年四十七代孫若升監修祖廟因輟已俸創建至是追封爵侯

崇寧三年十一月十四日奉

聖旨至聖文宣王之後特與親屬一名判司簿尉令孔若虛具名聞奏今後事故即

最長人承繼

右劄付孔奉議崇寧三年十一月十三日蔡鄧張

崇寧三年據龔封保明四十六代孫宗哲係本家最長奉

聖旨特堂差興仁府乘氏縣主簿

勅進士孔宗哲朕欽崇先聖廣其世恩爰俾若虛以名來上錫汝一命往其欽承

崇寧三年十一月十六日

勅司封供列文宣王之後龔封條貫下項

一文宣王之後世以長子承襲封衍聖公
未有官者除判司簿尉

一文宣王之後常聽一人注充州仙源縣官
一元祐元年十月五日

勅節文禮部太常寺奏朝議大夫 鴻
臚卿孔宗翰奏今有本家之事上繫
朝廷典禮須至開陳十二月三日三
省同奉

聖旨依奏內白身合襲封奉聖公者
除承奉郎改衍聖公為奉聖公及刪

定家祭冕服等制度頒降俾遵奉施行
一崇寧三年十一月四日奉

聖旨文宣王襲封人改封衍聖公今後
襲封除承奉郎襲封衍聖公每遇元會
大禮陪位班在太常少卿之下

四十八代孫端友白身除承奉郎
襲封衍聖公告

勅至聖文宣王四十八代孫孔端友自
書契以還爵于朝者多矣未有傳世四
十有八而不絕者也惟爾文宣王之後

序當承龍衣宜錫文階併示寵渥往加恪
慎務保厥榮可

大觀元年奉

聖旨下太常寺考正文宣王廟像冠服
制度冕十二旒服九章五章在衣山龍
火虎四章在裳藻粉米歷朝以先聖與
門人通用衣服至是始服王者之冕以
周官并王荆公詩書禮義說為正

大觀元年十二月初十日奉

聖旨不許採斫林木立賞錢十貫許人

告捉

政和元年奉

聖旨至聖文宣王改執鎮圭

至聖文宣王廟舊立十六戟今立二十四

戟又

聖旨至聖文宣王廟內曾參等所封

侯爵與宣聖名同甚失弟子尊師之禮

改封者八人

政和元年奉

聖旨下轉運司於係省錢內應副修完

本廟及於本路諸州軍差役兵士工匠和雇百姓修造運司奏委四十八代承奉即襲封衍聖公端友監修

政和二年

朝廷頒降少府監鑄到至聖文宣廟銅朱記一顆

政和四年四十七代孫文林郎舒州司戶曹

事若谷乞依辟廳大成殿頒降殿額二月初二日奉

聖旨依所乞其牌今後苑造

御前生活所製造蔡京書寫竟不奉 已氣逐 詔

政和四年承奉郎襲封衍聖公孔端友乞

依諸路頒降大晟新樂許內外族人及縣學生咸使肄習以備釋奠家祭使用

二月十七日奉

聖旨依所乞

政和六年五月差四十七代孫宣教郎監

和齋西局門若谷押賜大樂禮器付本廟

宣和三年十一月奉

聖旨孔端友特轉通直郎除直秘閣仍

許就任關陞以示崇獎奉

勅宣義郎襲封衍聖公管勾先聖廟
孔端友宣聖古今師也由百世之後等
百世之王殆未有能違之者朕既法其
言尊其道舉以為治猶以為未也又錄
其後裔以褒大之爾先聖之系效官東
魯積有年矣通籍金閨陞華芸閣以示崇
獎汝尚勉哉可

宣和四年二月二十一日奉

聖旨孔若采係本家白身最長人與補

迪功郎令吏部差充興仁府濟陰縣主
簿替韓元穎年滿闕奉

勅孔若采爾先聖之後恩禮宜優具
載彝章肆頒命秩祗膺茂渥往謹官箴可

宣和四年三月二日

車駕幸太學賜

御製至聖文宣王贊

太學教養多士嚴奉先聖殿至滋圮作
而新之命駕奠謁系之以贊曰

厥初生民自天有造百世之師

立人之道 有彛有倫 垂世立教
爰集大成 千古光蹈 乃嚴斯所
乃瞻斯宮 瞻彼德容 云孰不宗
車駕幸學 奠謁畢 特錄四十八世孫外舍生
端朝賜上舍出身 先是 朝廷下太學供具
至聖文宣王後在學人數 是時獨端朝以
外舍生在學 駕幸學日 上御敦化堂
近侍進呈端朝姓名 金口宣諭為是聖人子
孫 特賜上舍釋褐 臚傳 聖語 縉紳驚歎
以謂 天子尊師 即後超越古今 先聖

子孫榮遇如此

今上皇帝紹興二年 勅送到吏部狀 承都省批下
本部徽州申據 龔慶府免解進士孔瓚乞
承繼判司簿尉事後 批送吏部限兩日重
別勘當申 尚書省本部行下太常寺去
後據本寺申會到本家尊長孔傳狀稱瓚
係白身最長之人在外處 別無白身最長
合承繼恩澤之人 本寺看詳孔瓚依得宗支
及從來體例合承繼恩澤今取自
朝廷指揮 閏四月二十三日三省同奉

聖旨依太常寺所申孔瓚依例與補迪功
郎令吏部與差判司簿尉

紹興二年六月內准

尚書省劄子勘當昨大觀年四十八代孫端
友承襲准 吉特授承奉郎襲封衍聖公
權發遣郴州到任因患身亡推次四十九代
孫玠合行承襲蒙下本家尊長四十七代傳
保明申 尚書省本部尋行下太常寺去
後據太常寺申看詳本家宗支圖子其襲
封衍聖公孔端友止有庶子玠今來合係

襲封衍聖公今來本寺所申伏乞 朝廷
詳酌施行閏四月三日三省同奉

聖旨依太常寺所申孔玠依例與補承奉
郎襲封衍聖公奉 勅至聖文宣王四十九
代孫孔玠夫子之道踰於堯舜澤及萬世
靡有所窮欽崇碩報邦有彝典肆予命爾
紹于世封惟欽惟必期無墜命可特授承奉
郎襲封衍聖公

五月三日下

嗣襲封爵公改

魏封魯國文信君

秦封魯國文通君

漢高祖封奉嗣君

漢平帝元始元年改封褒成侯

後漢明帝永平四年改封褒亭侯

魏黃初元年改封崇聖侯

晉武帝太始三年改封奉聖亭侯

宋文帝元嘉三年改封崇聖侯

後魏文帝延興三年封崇聖大夫

後魏孝文帝太和九年改封崇聖侯

北齊文帝天保元年改封恭聖侯

後周宣帝大象二年封鄒國公

隋大業四年封紹聖侯

唐太宗正觀十一年封褒聖侯

唐玄宗開元二十七年封文宣公

本朝仁宗皇帝改封衍聖公

本朝哲宗皇帝元祐年改封奉聖公

太上皇帝崇寧三年復改封衍聖公

仁廟朝改衍聖公告

孔子之後以爵號褒顯世世不絕者其來遠矣自漢元帝封其爵為褒成君以奉其子至

平帝時改為褒成侯始謚孔子為褒成宣
尼公褒成其國也宣尼其謚也公侯其爵也
後之子孫雖更改不一而不失其義至唐開
元中始追孔子為文宣而尊以王爵封其
嗣褒聖侯為嗣文宣公孔氏子孫去國名而
襲謚號禮之失也蓋由此始朕稽考前訓博
訪群議皆謂宜去漢之舊章唐之失稽古正
名於義為允朕念先帝崇尚儒術親祀闕里
而始加至聖之號務極尊顯之意肆朕纂臨
繼奉先志尊儒重道不敢失墜而正其後

擇人奉祀傳曾祖侍郎自牧方任殿中丞
自廣倅乘驛赴闕召對移刻進表叙述家
世際會之幸因授五品服知曲阜今止以
本朝任鄉官者具列于後

寶元元年四十四代孫自牧任秘書監
主管陵廟自後本家最長人任鄉官
者皆帶主管陵廟

仁王周廣順三年歷 聖朝任兗州曲阜
縣令龔文宣公

宜雍熙三年任兗州曲阜縣令龔文宣公

延世至道三年任兗州曲阜縣令龍文

宣公

名犯廟諱祥符二年以殿中丞知曲阜縣

自牧祥符^六年以屯田員外郎知曲阜縣

道輔祥符九年以大理寺丞知曲阜縣

又天聖二年以太常博士奉

勅監修祖廟

聖祐天聖三年以太子贊善大夫龍文

宣公知仙源縣

良輔天聖五年任兗州仙源縣主簿

彥輔天聖八年任仙源縣主簿

自牧景祐元年以太常少卿提舉仙源

縣景靈宮太極觀

道輔景祐二年以龍圖閣直學士方諫

議大夫知兗州

又景祐三年以龍圖直學士給事

中起復知兗州

自牧寶元元年以秘書監分司南京主

管祖廟

宗愿康定元年以國子監承龍衣文宣公

知仙源縣

又慶曆三年以大理寺丞龔文宣公

再任知仙源縣

宗亮慶曆三年以將作監丞知仙源縣

彥輔慶曆八年以衛尉寺丞知仙源縣

宗翰嘉祐元年以秘書省著作佐郎知

仙源縣

洵嘉祐四年以屯田員外郎知仙源縣

宗壽治平四年任兗州仙源縣主簿

宗翰熙寧三年以尚書屯田郎中提點

京東刑獄

若蒙熙寧三年任兗州仙源縣主簿龔

奉聖公

宗翰熙寧十年以尚書都官郎中提點

京東刑獄

若升元豐元年任兗州仙源縣主簿

又元豐三年奉

勅以沂州新太縣令監修

祖廟

宗翰元祐元年以朝議大夫知兗州

若古元祐四年任仙源縣主簿改名傳

又元祐八年任仙源縣尉

宗壽紹聖元年以右宣德郎知仙源縣

若谷大觀二年以文林郎行仙源縣丞

傳政和五年以朝奉郎任京東路轉運

司管文字

宗哲大觀二年以從事郎任兗州觀察

推官

又政和三年以從事郎就差仙源

縣丞

端節宣和元年以宣教郎特差京東路

轉運司當公事

堽宣和五年以通直郎任仙源縣丞

端問靖康元年以迪功郎改差仙源縣丞





東家雜記下



右朝議大夫知撫州軍州事兼管內勸農使仙源縣開國男食邑三百戶借紫金魚袋孔傳編

先聖廟

後殿

廟中古碑

齊國公墓

先聖廟

杏壇

廟栢

廟外古跡

林中古碑

廟在曲阜縣西二里接魯城二百餘步

即先聖舊宅魯恭正聞金石絲竹之地也
累朝東封告成行幸儒廟皆駐蹕于此

手植檜

先聖手植檜三林株兩棟株雙立
御贊殿前各高六丈餘圍一丈四尺其一在
杏壇之東南高五丈餘圍一丈三尺晉永
嘉三年枯死至隋義寧元年復生唐乾
封二年人枯至本朝康定年一株復生

杏壇

先聖殿前有壇一所即先聖教授堂之遺

址也昔漢鍾離意為魯相出私錢萬三千
文付戶曹孔訢修夫子車身入廟杖几席
劍履男子張伯除堂下草土中得玉璧七
枚伯懷其一以六枚白意意令主簿安置
几前孔子教授堂下牀首有縣雍意召訢
問答云夫子雍也昔有丹書人莫敢發意
曰夫子所以遺雍欲以垂示後人因發之
得素書文曰後世修吾書董仲舒護吾車
杖吾履發吾筭會稽鍾離意壁有七張伯
懷其一意即召伯果服焉後漢顯宗東

巡幸孔子宅亦嘗親御於此命皇太子諸
王說經於堂上後世因以為殿本朝乾興
間傳大父中憲監修祖廟因增廣殿庭移
大殿於後講堂舊基不欲毀折即以瓦甃
為壇環植以杏魯人因名曰杏壇

後殿

鄆國夫人亓官氏殿昔為先聖燕居之堂
魯人相傳云孔子將亡遺秘書曰後世一男
子自稱秦始皇上我堂踞我床顛倒我衣
裳至沙丘而亡始皇至魯觀孔子宅至沙

丘而崩又按世家孔子卒諸儒講禮鄉飲
酒大射於孔子家其所居堂後代因立為
廟藏孔子衣冠琴瑟車書至漢二百餘年
不絕昔太史公嘗適魯觀孔子廟堂車服
禮樂諸生習禮其家以至佞回留之不能
去云漢景帝時魯恭王好治宮室壞孔子
舊宅以廣其宮聞金石絲竹之聲乃不敢
壞於其壁中得古人經傳此其地也

先聖小影

家譜云先聖長九尺六寸腰大十圍凡四十

九表反首注面月角日準手握天文足履
度字或作三字坐如龍蹲立如鳳跼望之
如仆就之如昇耳垂珠庭龜脊龍形虎掌
胼胝參膺河目海口山臍林背翼臂斗唇
注頭隆鼻阜腴提眉地足谷敷雷聲澤
腹昌顏均頤輔侯駢齒眉有一十二采目
有六十四理其頭似堯其顙似舜其項類
臯陶其肩類子產自腰以下不及禹三寸首
有文曰制作定世符運今家廟所藏畫像
衣燕居服顏子從行者世謂之小影於

聖像為最真近世所傳乃以先聖執玉塵
據曲几而坐或侍以十哲而有持椽蓋捧
玉磬者或列以七十二子而有操弓矢披
卷軸者又有乘車十哲從行圖皆後人追
寫殆非先聖之真像闕里廟學教授尹
復臻嘗作小影贊云夫子之象其初熟傳
得於其家幾二千年仰聖人之容色瞻古
人之衣冠信所謂溫而厲威而不猛恭而
安若夫其道如神其德如天則自民以來
未有如夫子蓋無得而名言世之所傳非

小影畫像皆為鴈買本唐劉禹錫作許州新廟碑謂堯頭禹身華冠像佩之容取之自鄒魯即今之所傳小影是也

廟栢

先聖廟庭舊有栢二十四株歷漢晉其大合抱有二株先倒折魯人莫敢犯宋文帝時江夏王義恭出鎮彭城悉遣伐之父老為之嘆思及義恭被害剖析支體挑取目睛以密漬之為鬼日粽時人以為伐木之報也迄今廟庭松栢多而栢少

廟中古碑

後漢碑三

元嘉三年孔子廟置百戶卒史掌領禮器碑鍾繇隸

永壽二年魯相顏勅乞復顏氏并官氏繇碑有碑陰並隸

建寧二年魯相孔晨奏出本家穀祀夫子有碑陰並隸

魏碑三

黃初二年制命孔子二十一世孫羨為崇聖

侯奉家祀碑碑乃陳思王曹植詞梁
鵠書鍾繇鐫字故世謂之三絕鍾繇
鐫字皆妙於篆籀故繇方得鐫

後魏正光三年兗州百姓為太字張猛龍立

清德頌碑

東魏興和二年兗州刺史李仲璇修孔子

廟碑諸士人為立

齊碑一

乾明元年夫子碑隸書磨滅字不可讀

隋碑二

大業七年曲阜縣令陳叔毅修夫子廟記

隸書仲孝俊文

九年太學博士河間劉炫撰并書

唐碑十四

乾封元年贈太師魯元聖孔宣尼碑崔行

功文孫師範隸武德紹乾封詔儀鳳

二年祭文并隸於碑陰

開元七年孔子廟碑李邕文張庭珪隸

開元二十八年曲阜縣令張之宏為文宣

立自撰郝邕書

咸通十年孔子三十九世孫魯國公溫裕

乞出私俸修廟記賈防文

貞元十四年任要謁夫子廟

詩

長慶三年崔濤謁先師言

天寶元年兗公頌張之宏譔包文該書

景福二年滅黃巢紀功碑

大和五年李虞題名

大和七年兗州刺史李文悅謁夫子文

長慶元年任畹訪古於齊魯謁先師題名

會昌元年兗州刺史李玘題名

會昌六年兗州刺史高承恭題名

咸通十年兗海節度使曹翔曲阜宣聖廟記

本朝 御製書

真宗皇帝 先聖

御贊并從官分撰七十二賢贊

大中祥符二年賜

太宗皇帝 御書并監書器物勅

廟外古跡

魯城周回九里三十步城之西南隅即孔子之

舊宅昔魯人泛海 天津至於曹州遇仲

尼七十子遊海上指以歸塗使告魯公築城以備寇魯人歸具以告魯侯魯侯以為誕俄而群鵲數萬銜土培城魯侯始信乃城曲阜訖而齊寇果至此其所以為聖也

事載十六春秋其說神異雖先聖之所不語然魯人尚能言之所謂疑則傳疑者于是亦綴而不遺

廟東南二里魯城高門之外曰兩觀周回各四十

步高一丈一尺東西相去一百步昔先聖為

魯司寇攝行相事於是朝政七日而誅亂

政大夫少正卯戮之於兩觀之下者是也

廟東三十里有山曰防山周回八里孔子三歲而

叔梁紇卒乃葬於防山孔子母死殯於五

父之衢鄒人輓父之母告孔子父墓然後

往合葬於防焉

廟東南四十里有山曰尼山周回一十里即叔梁

大夫與顏氏禱於尼丘而先聖生生而

首上圩頂如尼山頂之圩

本朝封山神為毓聖侯今山西有先聖

廟貌并毓聖侯廟在焉

皇祐二年封毓聖侯勅

勅元聖肇興誕自東魯雖天之生德蓋云
默定岳之降神實應精禱充州泗水縣尼
丘山崇崗秀阜雲雨所出儲丕祐于商後
享全氣于孔族挺毓睿哲為萬代師當崇
五等之封俾均四瀆之秩列于祀典以永
神休攸司奉書往申昭告宜特封毓聖侯
仍令本州差官往彼祭告破係省錢增葺
祠廟即不得科率差擾及仰造本廟牌額
安掛註春秋差官致祭真廟東封王欽若言

祭文宣王尼丘山上上有紫雲氣長八九丈
詔遣入內殿頭楊懷玉祭謝

廟東南五十里有山曰顏母山周回一十里高三
里乃叔梁大夫與顏母禱於尼丘上嘗遊此
山而生先聖後魏地形志亦言魯縣有顏
母祠堂迄今尚在

廟東南五里曰五父衢昔先聖母殯于五父
之衢者此其地也

廟北五里曰先聖學堂泗水纏其北洙水由
其南皇覽云諸弟子房舍并爇猶存周敬

王三十二年孔子自衛反魯於此刪詩序書
定禮樂繫周易至周敬王三十八年魯人
西狩獲麟而作春秋因曾參孝行以縹筆
而作孝經二經既成孔子於此堂下齋戒面
北斗而拜告備于天紫微于是降光于此堂
魯記所載孔子講堂者是也昔漢光武東巡
過魯坐孔子講堂顧指子路室謂左右曰此
吾大僕之室也今學子廢遺址存焉

廟西南一百二十步有圃曰矍相圃周二里高一丈
昔孔子射於矍相之圃觀者如堵焉晉太

康志亦曰矍相在魯城內縣西南近孔子
宅是也今圃中猶存舊井皆陶瓦為之

廟東有廢井圍五丈二尺深八十尺以石為之昔
季栢子穿井得缶中若羊問先聖云得狗
先聖曰以丘所聞羊也木之恠蔓罔麵水之
恠龍罔衆土之恠積羊也

廟西南二百步魯城有門曰歸德世傳四方諸
侯慕先聖之德而至多入此門故魯人
因以名之

廟東南二里魯城有門曰高門昔齊人選女子

衣文衣而舞康樂文馬三十駟遺魯君
陳於高門外季栢子敬服往觀孔子因其
三日不聽政郊不致膳俎於大夫遂行適衛
廟東南二里魯城有門曰端門孔子將歿謂子
貢曰端門當有血書子貢往候之果有血
書云趨作法孔聖歿周姬亡彗東出秦人
城胡亥術書既散孔不滅子貢以告孔子
趨而觀之化為赤鳥飛去

廟南十里魯縣有二石闕曰闕里蓋里門也後漢
董憲裨將屯兵於魯侵害百姓明帝乃拜

鮑永為魯郡太守永到大破之惟別帥彭
豐等不肯下頃之孔子闕里無故荆棘自
除從講堂至於里門永異之謂府丞及魯
令曰方今危急而闕里自開豈天子欲令
太守行禮助吾誅無道也乃會人眾修鄉
射之禮請豐等共觀視欲因此擒之豐等
亦欲圖永乃持牛酒勞饗而潛伏兵器永
覺手格殺豐

齊國公墓

孔子生二歲而叔梁大夫卒葬於防孔子

之母既喪殯于五父之衢將二葬焉鄒人
輓父之母誨孔子父墓孔子曰古者不祔葬
為不忍先死者之復見也詩云死則同穴自
周公以來祔葬矣故衛人之祔也離之有以
聞焉魯人之祔也合之美夫吾從魯魯遂合
葬於防曰吾聞之古墓而不墳今某也東
西南北之人不可以弗識也吾見封之若
堂者矣又見若坊者矣又見覆夏屋者矣
又見若斧形者矣吾從斧者焉於是封之
崇四尺

祖林古跡

先聖墓

孔子沒公西赤為之識及掌其殯葬焉哈
以踈米三貝龍衣一十有一稱加朝服一冠
章甫之冠珮象環徑五寸而綦組綬桐棺
四寸栢棺五寸葬魯城北泗水上藏入地不
及泉而封為偃斧之形高四尺樹松栢為
誌焉既葬有自燕來觀者舍於子夏氏子
貢謂之曰吾亦人之葬非聖人之葬
人子奚觀焉昔夫子言曰吾見封若夏屋

者見若斧者從若斧者也馬鬣封之謂也
今徒一日三斬板而以封尚存夫子之志
而已何觀乎哉皇覽亦曰孔子冢去古
城北一里冢瑩百畝南北廣八十步東西三十
步高一丈二尺如鳥卵馬鬣今周圍增廣
五十餘步高一丈五尺昔孔子修春秋製
孝經既成齋戒面北斗而拜告備於夫
乃有赤虹自上而下化為黃玉有刻文孔
子詭而讀之其辭曰孔提命作應法孔子
卒以所受黃玉葬焉弟子魯人往從冢而

冢者百有餘室魯世世相傳以歲時奉祀
先聖冢

二代三代墓

二代伯魚墓在 先聖墓之東十步

三代子思墓在 先聖墓之南十步商人

尚右故也 真宗皇帝幸孔林顧問二冢

子孫對以伯魚子思墓 上太息躊躇而退

祠墓

先聖歿弟子於冢前以瓦壁為祠壇方六
尺至後漢永嘉元年魯相韓叔節始易之

以石金壇石四面皆歷代題名歲久漫滅
字不可識

駐蹕亭

真宗皇帝東封回駕幸闕里顧問 宣聖
冢墳何在子孫引導鑾輿躬至孔林奠謁
畢坐墳北亭上宣兩地及兩制賜茶亭有
古碑字多殘缺 上命詞臣拂藪辨認盤
桓久之

輦路

真廟駕幸 聖林以林木擁道降輿乘馬

至 宣聖墳設奠再拜今自林前直趨
蹕亭有輦路皆甃以方石

楷木

廣志云夫子沒弟子各持其鄉土所宜木
人植一本於墓而去冢上特多楷木楷本出南
海今林中楷木最盛間有因風挫折者人
或得之以為手板

虛墓 白兔溝附

先聖墳西有虛墓五間皆石為之世傳
先聖沒戒門弟子為虛墓後果遭秦白兔發

冢有白兔出於墓中始皇逐之至曲阜西北十八里溝而沒魯人因名其溝曰白兔溝

林

先聖葬曲阜城北泗水為之却流塋中不生荆棘刺人草木以百數皆遠方徒弟所植鄉土異種魯人世世無能名者惟楷木為多其餘則皇覽所載扮柝維離龜檀之木迄今尚盛真廟東封王欽若言祭文宣王詣墳設奠得芝五本詔遣入內殿頭楊懷玉祭謝復得芝草四本有唐

以來騷人墨客謁林下者必賦詩而退獨一絕云靈光殿古生秋草曲阜城荒噪晚鷗鷗惟有孔林殘照裏至今猶屬仲尼家最為絕唱傳仲父貳卿嘗刻於石且題跋其後曰宗翰自為童雅雅已聞人誦此詩或云一詩僧留題然竟不知誰氏之作

林中古碑

斷碑一

篆字碑碑石中斷字畫漫滅不可讀在伯魚墓前

漢碑九

永壽三年 勅修夫子墓碑

永興二年故娶州從事孔君德碑在孔子

祠墓壇前立

延平六年立御史孔翊碑在冢前孔子十

九代孫州舉孝廉拜御史遷中牟樂

陽令

建寧四年漢尚書侍郎博陵太守下邳縣

相河東太守孔宏碑

博士孔君碑諱志

孔乘碑字敬山修嚴氏春秋

永興二年孔謙碑都尉君元子

建寧二年孔子十九世孫震字上元碑終

博陵太守下邳相

延熹七年孔子九代孫宙字委將舉孝廉

除郎中博昌長孔子十九世孫扶字

仲淵碑

宅圖

直外門曰前三門仁宗皇帝御書門榜之門三門之後曰

御書樓蓋藏賜書之樓書樓後御路東西之亭其

東曰本朝修廟碑亭其西曰唐封孔子太師碑亭次殿庭門殿庭門內曰御讚殿乾

中宛州奏乞於夫子之後選朝官一人專切監修本朝是時祖父中憲被選奏修是殿次後曰

杏壇杏壇之後即先聖正殿仁宗皇帝御書飛帛殿榜之殿直

殿後曰鄆國夫人殿後殿東廡曰泗水侯殿西廡

曰沂水侯祖殿廊西門外曰齊國公殿直殿後曰魯

國太夫人殿魯國太夫人舊與齊國同殿慶曆八年四十五代孫彥輔宰相鄉邑奉

聖旨監修祖廟始乞移於後殿自太夫人殿由東廊以北曰

五賢堂祖殿廊東門外曰齋廳齋廳之東

廊門外曰客位直齋廳後曰齋堂齋堂後

曰宅廳直宅廳後曰家廟自客位東門直

北曰龔封視事廳直廳曰思慶堂中丞公典鄉郡曰侍

致改尚書會孔氏親族於此堂祖徠石守道先生有碑記其事堂之東北隅曰雙

桂堂皇祐年先公仲父同年賜第舊常於此會學故以名之諸位皆列於祖

殿之後思慶堂東西自祖廟併諸位舊係

勅修近世監修祖廟者窘於用度不敢以

官錢營飾私居遂罷修諸位今族間居處皆

自備修葺除諸位外祖廟殿庭廊廡共三百一十六間

右廟宅亦載魯國圖中廟壁有吳道子書

先聖歷聘諸國車服人物威儀極為精妙

駐蹕亭有題詠 章聖皇帝東封崇禮

先聖事人多傳頌今併錄之 古栢曾沾

周雨露斷碑尚載漢文章介丘檢玉回天

仗過魯猶聞祀素王然與孔林一詩不知

誰氏所作

續添龍襄封世系

一代文宣文

二代鯉字伯魚封泗水侯

三代伋字子思封沂水侯作中庸

四代白字子上齊威王召為國相

五代求字子家楚召不仕
六代箕字子京為魏相
七代穿字子高楚魏趙三國召之不仕著書
名譚言

八代順字子慎魏相封魯文信君

九代鮒字子魚秦始皇時拜少傅著書曰孔

叢子

騰長沙太傅

十代忠字子貞為博士

聚以兵破楚封蓼侯史記謂孔將軍居左

十一代武字子威為武帝博士臨淮太守

安國為博士訓注經籍

臧嗣蓼侯位九卿著書十篇

十二代延年武帝時為博士轉太傅遷大將軍

琳嗣蓼侯

十三代霸字次孺漢時為博士遷詹事拜太

師號褒成君

驩博士

茂閔內侯

十四代福襲封閔內侯

捷 喜並列校尉諸曹

光成哀平三世居公輔謚簡烈侯

吉封殷紹嘉公

十五代房襲封閔內侯

永封寧鄉侯

放歷侍郎嗣博山侯

伉校書郎

何齊封宋公

十六代均字長平封閔內侯更封褒成侯

奮從漢封閔內侯

尚鉅鹿太守

十七代志封褒成侯謚元成侯

嘉城門校尉

仁博士遷太守

十八代損封褒成侯徒封褒亭侯

豐後漢黃門侍郎典東觀事

十九代曜後漢襲封褒亭侯

宙郎中令

僖蘭臺令史校書東觀

扶司空

翊拜御史

二十代完襲封褒亭侯

文魏大鴻臚

昱拜議郎自霸至昱卿相牧守五十三人

列侯七人

融字文舉至太中大夫有集十卷北海相

二十一代羨魏拜議郎封崇聖侯

毓征南軍司馬

郁冀州刺史

二十二代震晉武時封奉聖亭侯拜黃門

侍郎

衍東晉時中庶子廣陵太守

揚下博亭侯

潛後漢太子太傅

二十三代嶷襲封奉聖亭侯

啓廬陵太守

竺吳南昌太守

二十四代撫晉襲封奉聖亭侯豫章太守

恬吳尚書晉太守

冲尚書

二十五代懿東晉襲封奉聖亭侯

愉晉左僕射

侃大司農

倫黃門郎

群晉御史中丞

二十六代鮮宋元嘉中封奉聖亭侯改封崇

聖侯

閻襲封散騎侍郎

汪晉刺史侍中

國晉左僕射

坦晉侍中常侍

嚴領尚書

二十七代乘後魏封崇聖大夫

晉尚書令

靜宋侍中特進

侯太守

道民內史

靜民侍郎

福民洗馬

道隆侍中

沉丞相祿

二十八代靈珍後魏祕書郎封崇聖侯

靈符太守

靈運著作郎

靈產光祿大夫

廡光祿大夫

景偉齊常侍

二十九代文泰襲封崇聖侯

珪字德璋齊高帝時掌詞命終常侍著北

山移文

深之宋比部郎

琳之御史中丞

遙之尚書左丞

靈龜後魏國子博士

三十代渠襲封崇聖侯北齊改封恭聖侯後

周改封鄒國公

臻尚書令

曄中書侍郎

摠侍郎

碩後魏南臺丞

三十一代長孫襲封鄒國公

休源梁都官尚書

覬宋御史中丞行會稽郡事

道存南海太守

三十二代嗣哲隋文帝時應制登科襲封鄒

國公後改封紹聖侯

雲童別駕

宗範陳中書侍郎

奐陳尚書中令有文集

頴達大業中明經高第歷唐司業祭酒太

常卿撰五經正義有文集

三十三代德綸唐正觀中封褒聖侯
紹安唐中書舍人

志玄唐司業

志約禮部郎中

志亮中書舍人

思政刺史

三十四代崇基武后時封褒聖侯

德紹隋祕書省正字

禎禮部外郎刺史

惠元國子司業人以三世司業爲榮

琮洪州都督

三十五代璩之字藏輝開元中襲封褒聖侯

後改封文宣公兗州長史

昌寓膳部郎中

季詡登制科終補闕

若思侍郎

仲思給事中

立言祠部郎中

眷言刺史

三十六代萱襲封文宣公

舜監察御史

至著作郎

如珪工部郎中

三十七代齊知德宗建中三年封文宣公

岑父著作佐郎

巢父觀察使給事中御史大夫贈僕射見

杜詩

三十八代惟暉元和中襲封文宣公

述睿德宗時拜諫議大夫

載及第

殘字君嚴舉進士歷諫議大夫給事中節
度使左丞禮部尚書韓愈銘其墓云孔世

三十八

戡進士及第贈司業

戡京兆尹御史大夫

三十九代策及第襲封文宣公遷博士

敏行官至集賢學士

溫資太子少傅

溫質四門博士

溫裕舉進士左丞節度使

溫業及第吏部侍郎

四十一代振字國文懿宗時狀元及第歷官御

史補闕貞外郎封文宣公

極狀元及第歷侍郎

絢及第

綸及第歷殿院

鍾狀元及第

緯狀元及第封魯公

縵及第

照及第

四十一代昭儉賜緋祕書郎襲封文宣公

昌明及第

昌庶及第虞部侍郎

昌弼及第至常侍

昌序及第至常侍

邈及第至諫議大夫

邁貞外郎

四十二代光嗣齋即出身泗水令

莊太常少卿

四十三代仁玉字温如曲阜令襲封文宣公
贈兵部尚書

承恭太宗朝將作監

四十四代宜字不疑太宗朝遷西展丞遷贊善
大夫襲封文宣公

憲及第員外郎轉運使贈尚書

勗及第侍郎致仕長子道輔

四十五代延世字茂先真宗時爲曲阜令襲
封文宣公

延澤及第贈諫議大夫

延渥知清化縣

延之贈殿中丞

道輔及第龍圖閣學士御史中丞石徂徠
作擊蛇笏銘

良輔太子中舍

彥輔國子博士

四十六代聖祐襲封文宣公終太子中舍自
此襲封衍聖公

舜亮道輔長子中散大夫贈特進

宗翰道輔次子刑侍

宗壽承議郎

宗質仙源丞

四十七代若蒙襲封衍聖公改封奉聖公

若拙及第

若升朝奉^{太夫}

若容朝散郎

傳字世文知撫州中散大夫著東家雜記

恢朝散大夫

惇朝散大夫

忱文林郎

恂奉議郎

若宋迪功郎親屬與^利司簿尉始此

若初及第

文仲字經甫中書舍人

武仲字常甫禮部侍郎

平仲字毅甫金部郎中人謂之三孔先生

四十八代端友字子交朝奉郎襲封衍聖公

端節朝散大夫贈中^奉大夫

端朝改名端木賜及第始此終知臨江軍

端已信陽軍判官

端位常德錄參
源及第知萍鄉
端植通城令
端隱江陵察推
堽通直郎
百朋荆南通判
百禮江陵通判
四十九代珍字錫老襲封衍聖公朝奉郎
瓚終朝請郎知和州
璪行在省倉

彰鄉舉
文昌改慶遠迪功郎
珉以最長授迪功郎
邦翰鄉舉
過庭黃州推官
彥說富川知縣
五十代楷字季紳襲封衍聖公知建昌軍終
浙西參議
摠主簿
擬登仕郎

揆將仕郎

洸宣教郎

次玉福州推官

次殘襄陽察推

宗元鄉舉

五十一代文遠字紹先龍衣封衍聖公朝奉郎

終隆興倅

文遠稅院

應發鄉舉

應選鄉舉

聖義登科奉議郎賜緋知樂安縣

廷桂登科廬陵尉

伯元登科信豐簿

伯迪登科新建簿

伯損瀏陽簿尉

霆發鄉舉

開先鄉舉

五十二代萬春字耆年龍衣封衍聖公通直郎

終泉州倅兼宗丞

登鄉舉

萬齡稅院

五十三代洙字源魯居憂擬承襲衍聖公

里鄉舉

甫鄉舉

四十六代孫宗翰序

家譜之法世叙承襲者一而已踈畧之弊識者病之蓋先聖之没于今千五百年宗族世有賢俊苟非見於史冊即後世泯然不聞是可痛也如太常博士諱臧臨淮太守諱安國丞相諱光北海相諱融蘭臺令史諱昱纔十數人非見於漢史皆不復知矣魏晉而下逮於隋唐見於紀者止百餘人按議郎本傳云自霸至昱七世之內爵位相係其卿相牧守五十二人列侯七人今考於傳記乃知所遺之多也宗翰假守豫

章蒙恩除魯郡將歸之日遂以舊譜命工鏤版
用廣流傳或須講求以俟他日元豐八年十一
月二十三日四十六代孫朝議大夫知洪州軍
州事兼管內勸農使江南西路兵馬鈐轄桂國
賜紫金魚袋宗翰謹序

四十八代孫端朝序

端朝聞諸父云吾家自五代亂離宗族散走死
亡畧盡獨襲封尚書諱仁玉守墳墓不去尚書
幼子諱勛仕為侍郎長子及孫皆為侍從儒門
復興今聚族二百口皆尚書公子孫依廟為宅

家有賜書以至祭器御書田園役皆僕上所

賜許任鄉官著在吏為部由是土人不以成法

姓名稱止曰廟宅族人無異居者獨安州族祖

六中書諱宗簡因官不歸遂家焉宣和末女真

始入寇靖康丙午群盜起家所蓄藏蕩然雲散

建炎戊申十月端朝不得已去陵廟南奔明年

己酉八月蒙恩以孔氏特差徽州黟縣令後

二年辛亥四月赴官六月張琪犯徽州黟之四

境焚殺一空端朝與幼累奔山間僅得不死所

携上世告勅祖父遺書生生所資皆失之矣獨

此譜山中人得之轉以見歸此譜乃右本頃叔祖貳卿削去旁支獨世襲者有識惜之今亡而更存豈非天也因書以示子孫紹興二年歲次季五月朔四十八世孫端朝謹書

五十代孫

孔氏子孫聚居祖廟幾二千年無異居他州者自經建炎兵火獨四十七代孫中散公諱傳與四十八代孫襲封公諱端友及右司公諱端木四十九代孫知府公諱瓚主簿公諱瑄五位挈家隨駕南渡散居于徽川江右松楸因

寓焉餘皆留祖廟自南渡後蒙朝廷念孔氏子孫之無幾計口給田以贍之乃於衢州撥賜四十頃且俾春秋兩時饗先聖於家廟州郡差官行禮較之鄉邑十才其一今又四十餘年子孫漸衆所得益微而其占籍於錫田者皆先聖之後至若歷代追崇之盛典備見中散公所著東家雜記茲不復云獨此闕而不書因以大槩附於篇末淳熙五年六月旦五十代孫擬謹書

做述古堂錢氏藏本手錄



做述古堂錢氏藏本手錄

據愛日精廬影宋本重校初園